

Sierninger Tanzherrn - Rud

Rudenkirtag Sierning Faschingdienstag 17.2.2026



1. Griaß euch Gott, ban Rudenkirta, passts guat auf bei unsre Liada. Die Politik hat lang studiert, wia ma richtig o'kassiert, Mir ham häufi erfahrr, wer im Landl muaß sparn. und mir sogn eich ganz frei, van Landhaus is neamd dabei!	2. Da Marktstub'm Wirtin va Sierng, woll'n ma heut gratulirn. Lad't alle ihre Stammgäst ein, muaß a Runda g'wes'n sein. Bald muaß zuasperrn / so a Schreck, - ihr reißen s' Wirtshaus nämli' weg. Vielleicht is eh des g'scheita, und sie tuat im Forsthof weita.
3. Der Brunnmoar Erwin- ma kenntn eh, als Heimatforscherkoriphä. Is ban Wischln in da Nacht, richti' gengan Türstock kracht. S'ganze G'sicht is grean und blau, schuld war aber net sein Frau! Mia glauben halt - unsraseits, Liachtspoarn kimmt van Altersgeiz.	4. Da Rotkreuz – Ortsstellenmoasta, Dr. Kain - ja so hoabt er! Kriagt sei Denkmal jetzt in Siagn, da tama wirkli' net liagn. S' Rettungs Haus / wird wunderbar mit Massag' und Sauna gar! Mir hoffen dass eahm net bliiht, und a Laufhaus draus wird.
5. Ban Singer Hans is nu net g'wiß, wia lang er Burgamoasta is. Weil er moant halt des wa', alloa dahoam wirkli' schwa'. Denn sei Frau hat zimli z'toa', in da Schiedlberger Pfoar! Vielleicht wird er dort nu braucht, bevor sei ganzer Glanz veriraucht.	6. D'Siegl Hermi z'Karndorf drent, hätt da Rehbock fast darennt, springt ban Autofenster eini, und wieda aussa - recht schleuni'. Ön Bock hats eh gar nix taun. aber Ihr G'sicht Zwetschkenblau, Und des oane is hiatzt g'wiss, seit dem hat's a neich's Biss!
7. Als Bezirksbäuerin voller Schwung, is d'Franzmoar Tochter nu' jung, und a oans wiß ma g'wiß, dass a kesse Biene is. Nur Pflanzenbau is net ihr Fach, da is nu a wengerl schwach! Dös is fast a weng Schand. kennt Korn und Woaz net vanand,	8. Ban Staudinger in Gunersdorf woar vorigs Joahr / „Aktion Scharf“. Weil a Nachbarin moant grad, dass dort Haschisch g'segn hat. Mit Tatü kimmt Polizei, a scharfer Hund mit dabei! Schnoffeln im Schlafzimmer bloß, aber dort is eh nix los.
9. Jagdchef Rauchenschwandner wird, laut Gesetz jetzt pensioniert. kimmt da Thomas Welser nach mit der selben laut'n Sprach, des san d'Aschacher gwehnt, doch den Tom hat's glei zehnt! In dö Berg'n auf der Pirsch, schiaßta glatt danebm - der Hirsch!	10. D' Waldneukirchner Goldhaubnfraun, is ja schier net zan glaubn: Warn bei der Herbst – Jagerei, als Treiberinnen mit dabei! Mit Husasa und Geschrei, scheichans d'Hosn auf dann glei. Ausg'rüst war jede – da feilt nix- mit an Steckta und a Bux.
11. D'Siagna Pfarr hat a Gscher, a neiche Orgel muaß her. Denn dö altersschwache Kisten, erfordert b'sondere Organisten. Weil a jeder recht fluacht, drum werd'n Geldgeber g'suacht. Jeder Euro is umsonst, wanns d'Organisten wieder hunzt.	12. Da Hundsberger Bert -dass ös wißt's, is hiatzt Jungpensionist. Des / g'freit a sein Frau, schafft eahm gnua Arbeit au'. - am Notizblock - Din A4, da - wird eahm ganz schia'h. Was da am Zettl drauf steht, ban bestn Will'n nimma geht!

13. Mir nehman hiatzt an,
dass unser Landeshauptmann,
in Perg a Villa g'schenkt kriagt
und ins Mühl/viertel ziagt!
Da gabs g'wiß koane Flausn,
weg'n de Specht va Mauthausn.
So schnell kunnt ma gar net schau'n,
tatn's a neiche Bruck'n baun!

14. Unser Landler is jetzt gar,
pfiat euch Gott bis nächstes Jahr.
Sag'n glei' Dankschön für d'Liter,
bei Mann und Frau oder Zwitter!
Oder fühl't's eich gar als Hund,
wa' für d'Klappsmühl wohl a Grund.
D'Welt is scho' a Narrnhaus.
Weil die Deppen sterb'm net aus.